

Kagawaran ng Halalan ng County ng Mariposa



Plano sa Pangangasiwa ng Halalan

2019

Plano sa Pangangasiwa ng Halalan ng County ng Mariposa

TALAN NG MGA NILALAMAN

Panimula

SEKSYON 1 – PLANO PARA SA EDUKASYON AT PAKIKIPAG-UGNAYAN SA BOTANTE

SEKSYON 2 – PLANO SA PANGANGASIWA NG MODELO NG SENTRO NG PAGBOTO

Panimula

Batayan

Noong 2002, binago ang Batas ng Estado ng California upang mabigyan ng opsyon ang mga botante na makapagparehistro bilang botanteng permanenteng bumoboto sa pamamagitan ng koreo. Simula noon, tuloy-tuloy na nadaragdagan ang bilang ng mga botanteng bumoboto sa pamamagitan ng koreo sa County ng Mariposa. Sa kasalukuyan, humigit-kumulang 70% ng mga botante sa County ng Mariposa ay mga botanteng bumoboto sa pamamagitan ng koreo. Bagama't karaniwang nagpapakita ang County ng Mariposa ng mas mataas kaysa sa karaniwang dami ng bumoto, kadalasang nalalampasan ng paggamit sa pamamaraang ito ang dami ng bumoto sa mga lugar ng pagboto sa Araw ng Halalan

Nagkaroon ng malaking pagbabago sa batas ng halalan sa California noong 2016 sa pagpasa ng SB 450, na pinagtibay ang Batas sa Pagpili ng Botante (Voters Choice Act o VCA). Nagbigay-daan ito sa mga County sa California na magsagawa ng anumang halalan sa pamamagitan lang ng balotang ipinapadala sa pamamagitan ng koreo, gamit ng mga Sentro ng Pagboto, simula Enero 1, 2020. Noong Hunyo 2, 2019, inaprubahan ng Lupon ng mga Tagapamahala ng County ng Mariposa ang pagpapatupad ng VCA sa County ng Mariposa.

Pangkalahatang-tanaw

Sa pagpapatibay ng VCA, inatasan ang Kagawaran ng Halalan ng County ng Mariposa na maghanda ng isang Plano sa Pangangasiwa ng Halalan (Election Administration Plan o EAP). Kaugnay nito, ang plano ay palawakin ang programa sa edukasyon ng botante ng County upang ipaalam sa mga residente ng Mariposa ang tungkol sa VCA, at makakuha rin ng feedback at impormasyon mula sa komunidad habang binubuo ito. Ang unang Halalan na gagamit ng bagong modelong ito ay ang Pampanguluhang Primaryang Halalan sa Marso 2020. Ang Plano na ito sa Pangangasiwa ng Halalan ay nagbibigay ng impormasyon sa kung paano ipatutupad ng County ang Batas sa Pagpili ng Botante. Maraming pagkilos ang kabilang sa planong ito na tumatanaw sa hinaharap at isinama bilang balangkas para sa inaasahang maisagawa.

Kasunod ng pagpapatibay ng VCA noong Hunyo ng 2019, nagtatag ang Tagapagrehistro ng mga Botante (Registrar of Voters o ROV) ng County ng Mariposa ng pinagsamang Komite sa Pagpapayo sa Kakayahan sa Pagboto (Voting Accessibility Advisory Committee o VAAC) at Komite sa Pagpapayo sa Paggamit ng Wika (Language Accessibility Advisory Committee o LAAC). Itinatag ang komiteng ito upang makapagbigay ng feedback at gabay sa Kagawaran ng Halalan at patuloy itong magiging mahalagang bahagi ng pangangasiwa ng halalan sa County ng Mariposa.

Sa madaling salita, ang bagong modelong ito ng pagsasagawa ng halalan sa County ng Mariposa ay nagbibigay ng higit na pag-aangkop sa mga botante sa pagtatala ng kanilang mga balota. Ang lahat ng

nakarehistrong botante ay padadalhan ng balota sa pamamagitan ng koreo 29 na araw bago ang halalan. Pagkatapos ay maaari nilang piliing ibalik ang kanilang may botong balota sa pamamagitan ng koreo, gamit ang kasamang pambalik na sobrang bayad na ang selyo. Maaari rin nilang piliing magpunta sa isa sa mga Sentro ng Pagboto sa County. Sa panahon ng pagbuo ng Planong ito sa Pangangasiwa ng Halalan, inaasahan ng County na makapagtatag ng apat na Sentro ng Pagboto (2 sentro ng pagboto na magbubukas nang sampung araw at 2 sentro ng pagboto na magbubukas nang apat na araw). Bilang karagdagan, mayroong inaasahang 3 lugar ng kahong hulugan ng balota na magiging available 28 araw bago ang halalan, kung saan maaaring ibalik ng mga botante ang kanilang balota.

Ang mga Sentro ng Pagboto ay gagana tulad ng mga lugar ng pagboto, na nagbibigay-daan sa mga botanteng personal na itala ang kanilang mga balota, sa papel man o sa pamamagitan ng paggamit ng madaling magamit na kagamitan para sa pagmarka ng balota. Maaari ring itala ng mga botante ang kanilang mga balota o humiling at tumanggap ng mga pamalit na balota sa alinmang Sentro ng Pagboto sa buong county, at maaari rin silang magparehistro o mag-update ng kanilang pagpaparehistro. Ang mga botanteng hindi nakapagparehistro bago ang pagsasara ng pagpaparehistro (14 na araw bago ang halalan), ay maaaring Kondisyonal na Magparehistro para Bumoto (Conditionally Register to Vote o CVR) sa alinmang Sentro ng Pagboto at magtala ng pansamantalang balota sa Araw ng Halalan.

SEKSYON 1 – PLANO PARA SA EDUKASYON AT PAKIKIPAG-UGNAYAN SA BOTANTE

Mga Kinakailangan

1-A Paggamit ng media para sa layunin ng pagbibigay-alam sa mga botante ng pagkakaroon ng balota ng pagboto sa pamamagitan ng koreo sa isang madaling magamit na format at ang proseso ng paghiling para sa nasabing balota.
§4005(a)(10)(I)(i)(II), §4005(a)(10)(I)(i)(VIII)

Magbibigay ang ROV ng County ng Mariposa ng impormasyon tungkol sa pagkuha ng balota ng VBM sa isang madaling magamit na format at ang proseso ng paghiling para sa nasabing balota gamit ang mga outlet at pamamaraang inilarawan sa Seksyon 1-B ng dokumentong ito, at mga outlet tulad ng sumusunod:

1. Lokal na pahayagan (Mariposa Gazette)
2. Radyo (KRYZ radio 98.5 FM)
3. Social Media at website ng Kagawaran
 - Facebook ng Halalan ng County
 - www.mariposacounty.org
4. Video blog ng Lokal na Komunidad (Yosemite Gold Country)
5. Pakikipag-ugnayan sa iba't ibang grupo tulad ng mga partner ng komunidad, organisasyong may adbokasiya, nahalal na opisyal, espesyal na distrito, distrito ng paaralan, organisasyong nakabatay sa komunidad, organisasyong nakabatay sa paniniwala, Opisyal ng Pamublikong Impormasyon sa buong County.
6. Mga Kagawaran ng County (tulad ng Mga Serbisyong Pangkalusugan at Pantao, Mga Serbisyong Pangkomunidad, at Mga Serbisyo para sa Beterano).
7. Mga anunsyo ng Pamublikong Serbisyo, na malawakang ipamamahagi sa lahat ng outlet na nagseserbisyo sa County

Kabilang sa impormasyong ibibigay ang opsyong gumamit ng madaling magamit na kagamitan para sa pagboto sa alinmang Sentro ng Pagboto, at kung paano gamitin ang kagamitan; at ang pamamaraan para sa paghiling, pagmarka, at pagsusumite ng madaling magamit na balota sa pamamagitan ng programang Malayuang Madaling Magamit na Pagboto sa pamamagitan ng koreo (Remote Accessible Vote-by-mail o RAVBM) ng County.

1-B Presensya ng Komunidad sa mga Edukadong Botante sa Batas sa Pagpili ng Botante

§4005(a)(10)(I)(i)(III)

Ang presensya ng komunidad ng ROV ng County ng Mariposa ay direktang makapagbibigay ng impormasyon sa Modelo ng Sentro ng Pagboto sa mga botante at sa mga dadalo sa iba't ibang kaganapan at pulong. Ang layunin ay makipag-ugnayan sa mga partner ng komunidad, kasama ang VAAC and LAAC, upang matukoy ang mga oportunidad upang paunlarin ang kaalaman ng ating mga botante, maghandog ng mga pagpapamalas ng mga kagamitan sa pagboto, at ipaliwanag kung paano humiling at magtamo ng madaling magamit na balota. Ang mga botante ay magkakaroon ng iba't ibang oportunidad para makuha ang naturang impormasyon, kabilang ang, ngunit hindi limitado sa, sumusunod:

1. VAAC/LAAC ng County ng Mariposa

- Maaaring kabilang sa mga pulong ang pagpapamalas ng sistema ng pagboto at mga update na nagbibigay ng impormasyon.
- Anumang materyal na nabuo kasama ng mga miyembro ng VAAC/LAAC ay ipapakita para sa pamamahagi sa kanilang mga komunidad

2. Mga presentasyon sa iba't ibang tagapakinig/pulong:

- Lupon ng mga Tagapamahala ng County
- Mga Sentral na Komite at Pulitikal na Komite ng County
- Mga Lupon ng Distrito ng Paaralan
- Mga Lupon ng Espesyal na Distrito
- Mga Philanthropic na Organisasyon (tulad ng Soroptimist, Rotary, Lions, atbp.)
- Mga Pamublikong Aklatan ng County ng Mariposa
- Mga umuulit na kaganapan

1-C Paggamit ng Mga Mapagkukunan para sa Edukasyon at Pakikipag-ugnayan sa Botante

§4005(a)(10)(I)(i)(VII)

Gagamitin ng mga Kagawaran ng Halalan ng County ng Mariposa ang mga kinakailangang mapagkukunan para matiyak na alam ng mga botante ang tungkol sa proseso ng pagboto sa modelo ng Sentro ng Pagboto. Ang impormasyon sa badyet para sa halalan sa Marso 2020, pati na rin ang paghahambing ng mga badyet para sa edukasyon at pakikipag-ugnayan mula sa mga nakalipas na taon ay available kung hihilingin.

1-D Mga direktang pakikipag-ugnayan sa mga botante na nagbibigay ng impormasyon sa paparating na halalan at nag-aanunsyo ng walang bayad na hotline ng tulong sa botante.

§4005(a)(10)(l)(i)(X)

Ang Kagawaran ng Halalan ay makikipag-ugnayan sa bawat botanteng nakarehistro sa County ng Mariposa nang dalawang beses sa pamamagitan ng koreo upang magbigay ng impormasyon tungkol sa paparating na halalan at sa pagiging available ng walang bayad na hotline ng tulong sa botante. Maaari ring magbigay ng impormasyon ang mga pakikipag-ugnayan sa kung kailan dapat asahan ang Gabay sa Impormasyon ng Botante at mga opsyon sa pagboto sa Modelo ng Sentro ng Pagboto na halalan.

Edukasyon at Pakikipag-ugnayan sa mga Komunidad ng Minoryang Wika

§4005(a)(10)(l)(i)(l)

Nagtatag ng isang Komite sa Pagpapayo sa Paggamit ng Wika (LAAC) noong Agosto 2019 upang magpayo at tumulong sa pagpapatupad ng mga pederal at pang-estadong batas na nauugnay sa pag-access sa proseso ng halalan ng mga botanteng hindi English ang gustong wika. Binubuo ang LAAC ng mga lokal na residente na nagmumungkahi sa ngalan ng mga komunidad ng minoryang wika ng County.

1-E Ipaalam sa mga botante ang Paparating na Halalan at Ianunsyo ang Walang Bayad na Hotline ng Tulong sa Botante kasama ang Media na Nagseserbisyo sa mga Komunidad ng Minoryang Wika

§4005(a)(10)(l)(i)(l)

Ang pagbabahagi ng impormasyon sa mga komunidad ng minoryang wika, kabilang ang impormasyon tungkol sa Modelo ng Sentro ng Pagboto, mga opsyon sa pagboto, at walang bayad na access hotline para sa tulong ay isasagawa upang maisama ang:

1. Website ng Kagawaran (www.mariposacounty.org)
2. Social Media (Facebook Page ng Halalan)
3. Pagbabahagi ng mga materyal sa mga partner ng komunidad, organisasyong may adbokasiya, nahalal na opisyal, espesyal na distrito, distrito ng paaralan, organisasyong nakabatay sa komunidad, organisasyong nakabatay sa paniniwala, at Opisyal ng Pamublikong Impormasyon.
4. Mga Anunsyo ng Pamublikong Serbisyo, na malawakang ipamamahagi sa mga outlet na nagseserbisyo sa County

5. Mga Kagawaran ng County (tulad ng Mga Serbisyong Pangkalusugan at Pantao, Mga Serbisyong Pangkomunidad, at Mga Serbisyo para sa Beterano).

1-F Pagtukoy sa mga Botanteng kabilang sa Minoryang Wika

§4005(a)(10)(I)(i)(V)

Ginagamit ng Kagawaran ng Halalan ng County ng Mariposa ang pagpili ng gustong wika ng botante na makikita sa kanilang form ng pagpaparehistro ng botante upang matukoy ang mga botanteng kabilang sa minoryang wika. Maaari ring makipag-ugnayan ang mga botante sa Kagawaran ng Halalan sa pamamagitan ng telepono o email upang i-update ang kanilang gustong wika o ibigay ang kanilang gustong wika sa mga opisyal ng sentro ng pagboto sa halalan.

1-G Workshop sa Edukasyon ng Botante para sa mga Botanteng kabilang sa Minoryang Wika

§4005(a)(10)(I)(i)(VI), §4005(a)(10)(I)(i)(VI)(ia)

Magsasagawa ng workshop sa edukasyon ng bilingual na botante para sa bawat wikang pederal o pang-estadong iniaatas ng County ng Mariposa. Sa panahon ng paghahanda ng planong ito, ang mga iniaatas na wika ng Mariposa, maliban sa English ay Spanish at Tagalog. Isasagawa ang mga workshop sa huling bahagi ng 2019 hanggang sa unang bahagi ng 2020 at magbibigay ang mga ito ng oportunidad sa mga komunidad ng wika ng County na makatanggap ng impormasyong tungkol sa tulong sa mga materyal na available sa partikular na wika, bilang karagdagan sa proseso ng pagboto sa Modelo ng Sentro ng Pagboto. Ang lahat ng workshop ay magkakaroon ng mga tagapagsalin na partikular sa wika upang matulungan ang mga dadalo. Ang impormasyon tungkol sa mga kaganapan ng workshop ay iaanunsyo nang hindi bababa sa 10 araw bago ang petsa ng pulong.

1-H Anunsyo ng Pampublikong Serbisyo para sa mga Mamamayang kabilang sa Minoryang Wika

§4005(a)(10)(I)(i)(IX)

Gagamitin ang mga Anunsyo ng Pampublikong Serbisyo upang ipaalam sa mga botante sa mga komunidad ng minoryang wika ang paparating na halalan at ang walang bayad na hotline ng tulong. Ipamamahagi ang mga PSA sa pamamagitan ng mga komunidad ng minoryang wika, pati na rin sa pamamagitan ng website at Facebook page ng County

Edukasyon at Pakikipag-ugnayan sa mga Komunidad ng May Kapansanan

Nagtatag ng isang Komite sa Pagpapayo sa Kakayahan sa Pagboto (Voting Accessibility Advisory Committee o VAAC) noong Agosto 2019 upang magpayo at tumulong sa pag-access sa proseso ng halalan ng mga botanteng may mga kapansanan. Binubuo ang VAAC ng mga lokal na residente na nagmumungkahi sa ngalan ng komunidad ng may kapansanan.

1-I Ang website ay mayroong madaling magamit na impormasyong available sa publiko §4005(a)(10)(I)(i)(IV)

Ang impormasyon sa website ng County (www.mariposacounty.org) ay nasa mga madaling magamit na format at available ito sa publiko. Kabilang dito ang Plano sa Pangangasiwa ng Halalan at iba pang impormasyong nauugnay sa Batas sa Pagpili ng Botante, pati na rin ang impormasyon tungkol sa pagpaparehistro upang bumoto at pakikilahok sa proseso ng halalan. Available rin ang impormasyong partikular sa halalan sa website sa isang madaling magamit na format.

Kabilang sa impormasyong ibibigay ang sumusunod:

1. Ang lahat ng botante ay tatanggap ng balota ng pagboto sa pamamagitan ng koreo (vote-by-mail o VBM)
2. Ang opsyong gumamit ng madaling magamit na kagamitan para sa pagboto sa alinmang Sentro ng Pagboto, at kung paano gamitin ang kagamitan
3. Ang pamamaraan para sa paghiling, pagmarka, at pagsusumite ng madaling magamit na balota sa pamamagitan ng programang Malayuang Madaling Magamit na Pagboto sa pamamagitan ng koreo (Remote Accessible Vote-by-mail o RAVBM) ng County

1-J Ipaalam sa mga Botante ang Pagkakaroon ng Balota ng Pagboto sa pamamagitan ng Koreo sa Madaling Magamit na Format at ang Proceso ng Paghiling para sa Nasabing Balota §4005(a)(10)(I)(i)(II)

Ang pagbabahagi ng impormasyon sa mga komunidad ng may kapansanan, kabilang ang impormasyon tungkol sa Modelo ng Sentro ng Pagboto, mga opsyon sa pagboto, at walang bayad na access hotline para sa tulong ay isasagawa upang maisama ang:

1. Website ng Kagawaran (www.mariposacounty.org)
2. Social Media (Facebook Page ng Halalan)
3. Pagbabahagi ng mga materyal sa mga partner ng komunidad, organisasyong may adbokasiya, nahalal na opisyal, espesyal na distrito, distrito ng paaralan,

organisasyong nakabatay sa komunidad, organisasyong nakabatay sa paniniwala, at Opisyal ng Pamublikong Impormasyon.

4. Mga Anunsyo ng Pamublikong Serbisyo, na malawakang ipamamahagi sa mga outlet na nagseserbisyo sa County
5. Mga Kagawaran ng County (tulad ng Mga Serbisyonang Pangkalusugan at Pantao, Mga Serbisyonang Pangkomunidad, at Mga Serbisyo para sa Beterano).

1-K Workshop sa Edukasyon ng Botante para sa Komunidad ng May Kapansanan

§4005(a)(10)(I)(i)(VI), §4005(a)(10)(I)(i)(VI)(ib)

Magsasagawa ang County ng Mariposa ng workshop sa edukasyon ng botante upang madagdagan ang kakayahan at pakikilahok ng mga kwalipikadong botanteng may kapansanan. Isasagawa ang mga workshop sa huling bahagi ng 2019 hanggang sa unang bahagi ng 2020 at isasama sa workshop ang edukasyon tungkol sa proseso ng pagboto sa Modelo ng Sentro ng Pagboto, mga pagpapamalas ng kagamitan sa pagboto, ang kadaliang magamit ng kagamitan sa pagboto, impormasyon sa hulugan ng balota, at mga opsyon para sa elektronikong pagtamo ng madaling magamit na balota ng pagboto sa pamamagitan ng koreo. Ang impormasyon tungkol sa mga kaganapan ng workshop ay iaanunsyo nang hindi bababa sa 10 araw bago ang petsa ng pulong.

SEKSYON 2 – PLANO SA PANGANGASIWA NG HALALAN

Pangkalahatan

2-A Access sa Walang Bayad na Telepono

§4005(a)(10)(I)(vii)

Nag-aalok ng walang bayad na suporta sa telepono ang Kagawaran ng Halalan sa lahat ng oras ng negosyo. Available ang mga kawani upang tulungan ang mga tumatawag sa mga wikang pederal/pang-estadong iniaatas.

Walang bayad na hotline (866) 607-8241

Access sa Balota

2-B Access sa Balota ng VBM ng mga Botanteng May Kapansanan

§4005(a)(10)(I)(ii)

Pagtanggap ng Balota ng Pagboto sa Pamamagitan ng Koreo (Vote-By-Mail o VBM) sa pamamagitan ng Koreo

Ang lahat ng mga botanteng nakarehistro sa County ng Mariposa ay makakatanggap ng pakete ng balota ng VBM sa pamamagitan ng koreo para sa bawat halalan. Ang nakalakip na balota ay maaaring markahan at ibalik sa sobre ng pagkakakilanlan na kasama sa pakete ng VBM.

Pagtanggap ng Madaling Magamit na Balota – Mga Sentro ng Pagboto

Ang mga nakarehistrong botante ay mayroong opsyong gamitin ang isa sa mga madaling magamit na kagamitan para sa pagmarka ng balota sa alinmang sentro ng pagboto. Ang mga botante ay magpapatala, hihingi ng madaling magamit na balota, at bibigyan ng key card na magpo-populate sa madaling magamit na kagamitan ng kanilang balota. Ang balota ay maaaring markahan gamit ang touchscreen na display, ibinigay na audio tactile na kagamitan o gamit ang kanilang sariling pantulong na teknolohiya. Ang mga madaling magamit na aparato ng pagboto ay isasaayos upang mabigyan ang lahat ng botante ng oportunidad na itala ang kanilang balota nang pribado at independiyente.

Paghiling ng Malayuag Madaling Magamit na Balota ng VBM

Maaaring piliin ng mga botanteng may kapansanang nakarehistro sa County ng Mariposa na mag-online, sa pamamagitan ng sistemang Malayuag Madaling Magamit na Pagboto sa pamamagitan ng Koreo (Remote Accessible Vote by Mail o RAVBM) upang humiling ng nada-download na balota. Ang RAVBM ay nagkakaloob sa mga botanteng may kapansanan ng kakayahang humiling ng isang balota ng VBM na ipadadala sa botante sa paraang elektronikal. Ang elektronikong balota ay maaaring i-download sa computer ng botante, markahan gamit ang sariling pantulong na teknolohiya ng botante, at saka ilimbag. Ang balotang ito ay maibabalik sa paraang katulad ng alinmang balota ng VBM: sa pamamagitan ng koreo, sa isang Kahong Hulugan, o sa alinmang Sentro ng Pagboto.

Paghiling ng Pamalit na Balota

Maaaring humiling ang sinumang botante ng pamalit na balota sa pamamagitan ng telepono sa (209) 966-2007, sa pamamagitan ng pag-fax ng kanilang kahilingan sa (209) 966-6496, sa pamamagitan ng pagpapakita sa isang Sentro ng Pagboto o Tanggpan ng Halalan, o sa pamamagitan ng sistema ng online na RAVBM.

Mga Kinakailangan sa Sentro ng Pagboto

2-C Seguridad ng Proseso ng Pagboto sa mga Sentro ng Pagboto

Ligtas na Pagboto sa Sentro ng Pagboto

§4005(a)(10)(I)(iv)

Ang lahat ng pagbotong isinagawa sa mga Sentro ng Pagboto ay sumusunod sa mga pamantayang panseguridad ng Kalihim ng Estado ng California, mga pamamaraang panseguridad ng Kagawaran ng Halalan ng County ng Mariposa, at mga panuntunang nasa Code ng Halalan ng California at Pamamaraan ng Paggamit sa Sistema ng Pagboto ng California. Kabilang dito ang, ngunit hindi limitado sa; pagtiyak na ang lahat ng kagamitan sa Sentro ng Pagboto ay naselyuhan, inimbak, inihatid, at ginamit alinsunod sa mga panuntunang ito. Bilang karagdagan, ang mga kasalukuyang panuntunan ay nangangailangan ng presensya ng hindi bababa sa dalawang trabahante ng halalan sa lahat ng oras.

Mga Planong Panseguridad at Pangkagipitan

§4005(a)(10)(I)(i)(VIII)

Pagpigil sa Pagkagambala, Pagpapatuloy ng Operasyon ng Sentro ng Pagboto

§4005(a)(10)(I)(iv)(VIII)(ia), §4005(a)(10)(I)(iv)(VIII)(ib)

Ang lahat ng kawani, kabilang ang mga nagtatrabaho sa mga Sentro ng Pagboto, at ang mga nagkakaloob ng teknikal na suporta at suporta sa pagsunod, ay dadalo sa pagsasanay sa pagpapagana ng kagamitan sa pagboto, pagsasaayos ng isang Sentro ng Pagboto, pagtulong at pagproseso sa mga botante, pagbabantay sa sensitibong kagamitan bawat gabi, at ang mga wastong pamamaraan kung sakaling magkaroon ng emerhensya.

Sa ilalim ng mga pag-aatas ng sistema ng pagboto ng California, ang lahat ng sertipikadong kagamitan ay dapat gumana sa pamamagitan ng kuryente ng baterya kung sakaling mawalan ng kuryente. Ang lahat ng lokasyon ay magkakaroon ng cell phone. Ang Sheriff ng County ay makakatanggap ng listahan ng mga lokasyon ng Sentro ng Pagboto, ang bawat Sentro ng Pagboto ay bibigyan ng mga pamamaraang pang-emerhensya at isang manual ng panuto para sa pagpapatakbo ng isang Sentro ng Pagboto at pagproseso sa mga botante sa sitwasyong pang-emerhensya.

Ang County ng Mariposa ay agad na kikilos upang malutas ang pagkagambala sa isang Sentro ng Pagboto at ang bawat pagkagambala ay magkakaroon ng sarili nitong pagtugon. Karaniwan, kung may isang Sentro ng Pagboto na nagambala, agad na aatasan ng County ng Mariposa ang mga kawani na idirekta ang mga botante sa isa pang Sentro ng Pagboto, at ipaalam ito ng County sa lokal na Sheriff, at tanggapan ng Kalihim ng Estado, at magbibigay ng mga update sa media upang matiyak na alam ito ng mga botante. Kung mayroong kalamidad o iba pang sakuna na mangyayari at makakaapekto sa pisikal na lokasyon ng isang Sentro ng Pagboto o lugar ng hulugan ng balota, magiging available ang mga karagdagang notification, abiso, at kawani upang idirekta ang mga botante sa isang panghaliling lokasyon. Kung sakaling kailanganing ihinto ang lahat ng gawain sa isang Sentro ng Pagboto, agad na itatabi nang ligtas ng mga kawani ang kagamitan sa pagboto ng Sentro ng Pagboto na iyon at itatala ang lahat ng materyal sa pagboto alinsunod sa Code ng Halalan ng California at mga alintuntunin sa Paggawa at Pagkumpleto ng Balota. Gagawin ang lahat ng pagsusumikap upang makapagbukas ng pamalit na Sentro ng Pagboto at malawakang ipapaalam sa publiko ang impormasyon tungkol sa pagbabago.

2-D Mga Sentro ng Pagboto: Itatakda pa ang Bilang, Mga Lokasyon at Oras ng Operasyon na Available sa Panahon ng Paglalathala

§4005(a)(10)(I)(vi)

Sa kabuuan, magkakaroon ng apat na Sentro ng Pagboto na available sa lahat ng botante sa County ng Mariposa. Nasa ibaba ang isang listahan ng mga iminungkahing Sentro ng Pagboto. Ang lahat ng Sentro ng Pagboto ay magiging bukas nang hindi bababa sa 8 oras bawat araw. Sa Araw ng Halalan, ang lahat ng Sentro ng Pagboto ay magiging bukas mula 7:00am hanggang 8:00pm. Ang mga eksaktong oras ng bawat Sentro ng Pagboto ay ipo-post sa website ng County ng Mariposa sa www.mariposacounty.org at isasama sa mga pakete ng balota ng Pagboto sa pamamagitan ng Koreo na ipadadala sa lahat ng nakarehistrong botante.

Mga Sentro ng Pagboto na Bukas 10 araw Bago ang at sa Araw ng Halalan:

Mariposa County Elections Office

4982 10th Street

Mariposa, CA 95338

Bootjack Volunteer Fire Department

3883 Bootjack Lane

Mariposa, CA 95338

Mga Sentro ng Pagboto na Bukas sa Araw ng Halalan at Isang Araw Bago ang Araw ng Halalan:

Greeley Hill Public Library

10332 Fiske Road

Coulterville, CA 95311

El Portal Public Library

9670 Rancheria Flat Road

El Portal, CA 95318

Mapa ng mga Sentro ng Pagboto

Kapag nakumpleto na ang mga lokasyon ng mga Sentro ng Pagboto, isasama ang mapa ng lokasyon ng mga ito sa appendix ng dokumentong ito.

Mga Detalye ng Sentro ng Pagboto

Pagtatalaga ng mga Kawani sa mga Sentro ng Pagboto

§4005(a)(10)(I)(vi)(IX)

Ang bawat Sentro ng Pagboto ay pansamantalang magkakaroon ng hindi bababa sa apat na may bayad na kawani kabilang ang isang Tagapamahala ng Sentro ng Pagboto.

Palaging magiging nandoon ang hindi bababa sa dalawang kawani anumang oras sa bawat Sentro ng Pagboto.

Disenyo at Layout ng mga Sentro ng Pagboto

§4005(a)(10)(I)(vi)(XI)

Idisenyo ang mga sentro ng pagboto sa paraang matitiyak na ang bawat botante ay mayroong karapatang magtala ng pribado at independiyenteng balota. Ang kagamitan sa pagboto at mga kahong hulugan ng balota ay ilalagay sa mainam na lokasyon sa Sentro ng Pagboto upang madaling matukoy ng mga botante at masubaybayan ng mga kawani ng Sentro ng Pagboto ang mga ito.

Mga Kinakailangan sa Hulugan ng Balota

2-E Mga Lokasyon ng mga Hulugan ng Balota

§4005(a)(10)(I)(vi)(IV), §4005(a)(10)(I)(vi)(VII)

Sa panahon ng pagbuo ng dokumentong ito, inaasahan ng County ng Mariposa na magkaroon ng hindi bababa sa tatlong lugar ng hulugan ng balota sa buong County. Ang mga lokasyon ng hulugan ng balota ay magiging available sa mga regular na oras ng negosyo. Magkakaroon ng isang 24 na oras na lokasyon ng hulugan ng balota na magsasara nang 8pm sa Araw ng Halalan. Ang mga eksaktong oras ng kahong hulugan ng bawat lokasyon ay ilalathala sa aming website sa www.mariposacounty.org at isasama sa mga pakete ng balota ng VBM na ipinadala sa lahat ng nakarehistrong botante.

Ang mga lokasyon ng hulugan na kasalukuyang sinusuri ay nakalista sa ibaba, ngunit ang layunin ay makipag-ugnayan sa LAAC, VAAC at mga miyembro ng komunidad upang ganap na matukoy ang mga lokasyon ng hulugan na kilala at talagang madaling mapuntahan.

24 na Oras na Lokasyon ng Hulugan ng Balota

Mariposa County Administration Building

5100 Bullion Street

Mariposa, CA 95338

Nasa Labas at Madaling Mapuntahan

Mga Pang-araw na Lokasyon ng Hulugan ng Balota

Lake Don Pedro Community Services Office

9751 Merced Falls Road

La Grange, CA 95329

Bassett Memorial Library

7971 Chilnualna Falls Road

Wawona, CA 95389

Mapa ng mga Lokasyon ng Hulugan ng Balota

§4005(a)(10)(I)(vi)(V)

Kapag nakumpleto na ang mga Lokasyon ng Hulugan ng Balota, isasama ang mapa ng mga lokasyon ng mga ito sa appendix ng dokumentong ito.

Mga Karagdagang Pagsasaalang-alang

2-E Mga Tinantyang Gastusin at Pagtitipid Sa Ilalim ng Planong Ito

§4005(a)(10)(I)(v), §4005(g)(2)

Ang mga tinantyang gastusin at pagtitipid na nauugnay sa pagpapatupad ng Batas sa Pagpili ng Botante ay ipinakikita sa Appendix. Ang unang pagpapatupad ng Batas sa Pagpili ng Botante ay inaasahang magresulta sa mga pagtitipid sa gastusing nauugnay sa pagpapalit ng kagamitan sa pagboto ng County, habang umaasang makasusunod ang mga pagtaas ng gastusin sa mahahalagang pinalawak na kinakailangan para sa pakikipag-ugnayan ng komunidad at ng botante

Pagkatapos ng bawat halalang isasagawa sa ilalim ng Batas sa Pagpili ng Botante, isang ulat ng paghahambing ng gastusin sa halalan ang ihahanda at ipo-post sa website ng County ng Mariposa sa madaling magamit na format.

2-F Mga Gawain Pagkatapos ng Halalan

Tugunan ang Mahahalagang Pagkakaiba sa Kakayahan at Pakikilahok ng Botante, gaya ng Iniaatas ng Subdivision (g)

§4005(a)(10)(I)(iii)

Pagkatapos ng bawat halalang isasagawa sa ilalim ng Batas sa Pagpili ng Botante, susuriin ng Kagawaran ng Halalan ng County ng Mariposa ang mga komentong natanggap mula sa mga botante at hihingi ito ng impormasyon mula sa mga partner ng komunidad sa datos na nakalap alinsunod sa Seksyon 4005(g). Gagawa ng mga makatuwirang pagkilos upang matugunan ang mahahalagang pagkakaibang natukoy nang batay sa bawat item.

Tulong sa SOS na may Ulat sa Lehislatura

§4005(g)(1)(A)

Ibigay ang mga Istatistika ng Halalan sa

Ibibigay ang impormasyong batay sa istatistika sa Kalihim ng Estado, kabilang ang impormasyong nakalista sa Seksyon 4005(g).

Plano sa Pangangasiwa ng Halalan